

- 63** Staðfesting forsetans á skipulagsskrá fyrir „Minningarsjóð Þórleifar Kristínar
17. apríl Sigurðardóttur ljósmóður“, útgefin á venjulegan hátt að mandatum af dómsmálaráðherra 17. apríl 1946.
Skipulagsskráin er þannig:

SKIPULAGSSKRÁ

fyrir Minningarsjóð Þórleifar Kristínar Sigurðardóttur ljósmóður.

1. gr.

Sjóðurinn heitir Minningarsjóður Þórleifar Kristínar Sigurðardóttur ljósmóður, og er stofnaður til minningar um hana, en hún var fædd 13. jan. 1875 að Svelgsá í Helgafellssveit, en andaðist 6. jan. 1945, þá búsett á Kongsbakka í sömu sveit, og hafði þá verið ljósmóðir í Helgafellssveit í 43 ár.

2. gr.

Stofnfé sjóðsins er kr. 4705.00, sem safnað var fyrir forgöngu undirritaðra kvenna, með frjálsum framlögum frá íbúum Helgafellssveitar til minningar um hina látnu konu. Tekjur sjóðsins eru, auk árlegra vaxta af höfuðstól, annað fé, sem sjóðnum kann að hlotnast með áheimum, gjöfum, dánarminningum eða á annan hátt.

3. gr.

Tilgangur sjóðsins er:

1. Að styrkja fátækar sængurkonur, einkum þær, sem að dómi sjóðstjórnar hafa við sérstaka erfiðleika að búa.
2. Að styrkja fátæka sjúklinga, jafnt karla sem konur, og skuli þá, að öðru jöfnu, ganga fyrir þeir sjúklingar, sem ekki njóta styrks annars staðar frá.
3. Komi fyrir alvarlegt slys, vegna eldsvoða, drukknunar í sjó eða vötnum eða af öðrum ástæðum, má veita styrk þeim sem um sárast eiga að binda vegna slíkra atburða, ef sjóðurinn er þess megnugur án þess að skerða höfuðstól hans. Starfs- svið sjóðsins er Helgafellssveit eins og hún er nú eða kann að vera á hverjum tíma.

4. gr.

Stjórn sjóðsins er skipuð 3 mönnum. Hreppstjórinn í Helgafellssveit er sjálfkjörinn og er hann formaður stjórnarinnar. Hann hefur á hendi reikningshald sjóðsins. Meðstjórnendur eru 2 konur í Helgafellssveit, sem eftirlifandi eiginmaður Þórleifar, Þorsteinn Jónasson, tilnefnir til 5 ára í senn, á meðan hans nýtur við. Eftir það skulu þær kosnar af atkvæðisbærum konum sveitarinnar á almennum fundi kvenna, sem boðað hefur verið til í því skyni af formanni sjóðstjórnarinnar.

5. gr.

Sjóðinn skal ávaxta í Söfnunarsjóði Íslands eða í annarri tryggri peningastofnun að almanna dómi, sem ekki gefur lægri peningavexti. Ber stjórnin sameiginlega ábyrgð á því, að þessum ákvæðum sé fylgt.

6. gr.

Höfuðstól sjóðsins má aldrei skerða. Alla vexti og annað fé, sem sjóðnum kann að tilfalla, skal árlega leggja við höfuðstól, þar til hann er orðinn að fjárhæð kr. 25000.00. Eftir það má úthluta $\frac{1}{2}$ vöxtum árlega samkvæmt 3. gr., en $\frac{1}{2}$ vextir leggjast jafnan við höfuðstól.

Það skal vera aðalregla, að styrkur til hvers styrkþega standi á heilum tug króna, og leggst þá afgangur, ef einhver er, við höfuðstól. Komi fyrir ár, sem ekki þyki ástæða til að úthluta styrk, fellur það fé, sem úthluta bar, einnig til höfuðstóls. 63
17. apríl

7. gr.

Reikningsár sjóðsins er almanaksárið. Fyrir lok maímánaðar ár hvert, skal stjórn sjóðsins hafa lokið við að semja reikning hans fyrir umliðið ár. Skal hann endurskoðaður af 2 hæfum og valinkunnum mönnum, sem hreppsnefnd tilnefnir til 5 ára í senn, og síðan birtur í B-deild Stjórnartíðindanna.

8. gr.

Stjórn sjóðsins skal halda gerðabók. Ber að skrá í hana eignir sjóðsins og ársreikninga, fundargerðir og annað sjóðnum viðkomandi. Einnig skal innfæra í gerðabókina skipulagsskrá þessa.

9. gr.

Skipulagsskrá þessa má endurskoða og breyta, þegar sjóðurinn hefur náð 100 þúsund króna höfuðstól, ef sýnt þykir að hann sé fær um að auka starfssvið sitt. Má þá ætla honum að styrkja einhver þau menningarmál, sem á þeim tíma eru álitin horfa til mestra heilla fyrir sveitarfélagið, að beztu manna yfirsýn.

10. gr.

Leita skal staðfestingar forseta Íslands á skipulagsskrá þessari.

Svelgsá, 3. apríl 1945.

Guðrún Jónsdóttir. Ingibjörg Björnsdóttir. Petrína Halldórsdóttir.
Soffía Guðmundsdóttir. Sigurborg Magnúsdóttir. Árbóra Friðriksdóttir.

HAFNARREGLUGERÐ

fyrir Ísafjarðarkaupstað.

64

24. apríl

I. KAFLI

Takmörk hafnarinnar.

1. gr.

Ísafjarðarhöfn takmarkast af línu, er hugsast dregin frá hinum svonefndu Innri-básam á Kirkjubólshlíð í svokallaðan Urtustein á Eyrarhlíð. Innan nefndrar línu takmarkast hún af landinu á alla vegu meðfram firðinum.

II. KAFLI

Stjórn hafnarinnar.

2. gr.

Bæjarstjórn Ísafjarðar hefur á hendi stjórn hafnarmálefna undir yfirumsjón stjórnarráðs Íslands.

Hafnarnefndin hefur á hendi framkvæmd hafnarmála og eftirlit með höfninni, sér um viðhald og umbætur á höfninni, stýrir öllum framkvæmdum, er þar að líta og annast fjárhald hafnarinnar og reikningsskil fyrir hönd bæjarstjórnar.